



SAKSFRAMLEGG

Sakshandsamar: Karl Viken	Arkivkode:
Arkivsaksnr: 22/830	Løpenr: 22/8468
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.11.2022	062/2022
Kommunestyret	08.12.2022	077/2022

Betalingssatsar 2023 - Gebyr og Avgifter

08.12.2022 Kommunestyret:

Handsaming i møtet:

Innleiingsvis orienterte kommunalsjef Karl Viken om at husleigesatsar for to kommunale bustader ved ein feil ikkje var med i saksdokumenta/formannskapet si innstilling. Dette gjaldt Tyssevegen 92 og Tyssevegen 94, der rådmannen sitt framlegg til husleigesats for 2023 skulle vore 7 225 kroner. Dette utgjør for begge adressene ein auke på 3 prosent frå 2022 til 2023. Ordførar Ordførar Knut Harald Frøland (Bl) sette fram framlegg om at husleigesatsen på 7 225 kroner for desse to adressene vart teken med i vedtaket. Med denne justeringa vart formannskapet si innstilling samrøystes vedteken.

Karl Bård Kollbotn (Frp) var ikkje til stades under røystinga i denne saka.

KS- 077/2022 Vedtak:

Samnanger kommunestyre vedtek gebyr- og betalingssatsar for 2023 slik dei ligg føre i [Gebyrliste - Samnanger kommune 2023](#). I tillegg vedtek kommunestyret husleigesats på 7 225 kroner per måned for Tyssevegen 92 og Tyssevegen 94.

10.11.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 062/2022 Vedtak:

Samnanger kommunestyre vedtek gebyr- og betalingssatsar for 2023 slik dei ligg føre i [Gebyrliste - Samnanger kommune 2023](#).

Rådmannen sitt framlegg til vedtak:

Samnanger kommunestyre vedtek gebyr- og betalingssatsar for 2023 slik dei ligg føre i [Gebyrliste - Samnanger kommune 2023](#).

Dokument som ikkje er vedlagt:

Ingen

Saksopplysningar:

Samnanger kommunestyre skal vedta betalingssatsar for gebyr- og avgifter for 2023.

I 2022 og tidlegare år vart det laga fleire eigne saker, men med overgangen til Framsikt er det naturleg å samle alle betalingssatsane for gebyr og avgifter i ei sak som er linka opp mot gebyrdelen i Framsikt. Her vil ein gjennom budsjetthandsaminga, og etter at budsjettet er vedteke enkelt kunne finne aktuelle satsar på alle område.

Framlegget til rådmannen til betalingssatsar avgifter og gebyr for 2023, er publisert i Framsikt, og du finn dei under *Gebyrliste* i Framsikt.

Det går fram av gebyrlista kor mykje dei ulike satsane er i 2022 og 2023 og den prosentvise auken. I oppjusteringa av satsane på dei ulike områda i gebyrlista er det i all hovudsak brukt det som har vore normal oppjustering. Mange satsar er gjeve ein auke på nivå med den generelle prisauken; 3 %.

Uttalar frå andre:

Ingen

Vurderingar og konsekvensar:

Vurderingar:

Med dette framlegget til kommunale betalingssatsar vil prisnivået i all hovudsak verta vidareført.

Konsekvensar:

Nokre endringar frå 2022 til 2023 utover den generell prisauken.

Konklusjon:

Samnanger kommunestyre vedtek betalingssatsar for gebyr og avgifter for 2023 lik *gebyrliste* i Framsikt.